

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया नितिं
लुमंका दिसँ ।



लक्ष्मण रामाल 'चिलिंमि'
प्रोप्राइटर
लाखा छँ
LAKHA CHHEN

सोह्रखुटे, वडा नं. १६, येँ, फोन नं.: ४३६०७५८

थुकि दुने



न्हापांगु सविधान सभा निसें भिकेमा:
प्रतिगमन!
दिलिप शाही 'शान्तियज्जु' - २



स्वस्थानीया बाखंपा:
ओमधरानन्द राजोपाध्याय - ३

साहित्य - ६
अन्जना ताम्राकार
माणिक उपाय
पूर्ण मुनंकीर्मी



माधव नारायण
पेज ४-५

येँ महानगरपालिकापाखें नेपालभाषाया शिक्षक माग नेपालभाषा व मातृभाषा शिक्षाया ख्यलय् छगू तःधंगु आशा बलन

लहना संवाददाता

थौकन्हय् सामाजिक संजालय् येँ महानगरपालिकाया छगू सुचं भाइरल हे धइथें जुयाच्वंगु दु । काठमाडौं महानगरपालिकाया शिक्षा विभागपाखें स्थानीय विषय अन्तर्गत नेपालभाषा विषयया प्रशिक्षण सहायकया नितिं सुचं पिहांवल । मातृभाषा शिक्षा ख्यलय् जुयाच्वीपिं अभियन्ता व भाषाह्यमिपिन्सं थुगु सुचिलिसें सामाजिक संजालय् येँ महानगरपालिकालिसें महानगर प्रमुख विद्यासुन्दर शाक्ययात सुभाय् देछासें थःगु लसता प्वकल । थुगु सुचिलिसें येँ महानगरपालिका अन्तर्गत न्हयानाच्वंगु सामुदायिक स्कूलय् नेपालभाषा ब्वनेदइगु प्राय निश्चित जूगु दु ।

येँ महानगरपालिका थ्वयां न्हयः हे थःगु महानगर दुने सरकारी व निजी स्कूलय् ब्वंकेगु लागिं स्थानीय विषय अन्तर्गत कक्षा १ व २ या नितिं नेपालभाषा विषयया पाठ्यसफू 'भंगीगु येँ देय्' तयार याना: छपाई क्वचायेकेधुंकूगु दु । अथेहे मेमेगु तर्गिया सफूया नं छपाईया लागिं तयारी जुयाच्वंगु दु । थुकिया हे इवल्य् येँ महानगरपालिका अन्तर्गत न्हयानाच्वंगु सामुदायिक स्कूलया कक्षा १ निसें ८, अथे धाय्बलय् आधारभूत तर्गिया नितिं स्थानीय विषय नेपालभाषा



नेपालभाषा विषयया पाठ्यक्रम तयार याना: येँ महानगरपालिकां थुकिया पठनपाठन न्हयाकेगु नितिं आ: शिक्षकया माग या:गु दु । नेपालभाषा ब्वनीपिनिगु नितिं थ्व तःधंगु लसताया खं जुल सा शिक्षकया माग जूगुलिसें नेपालभाषा ब्वना: छु याय्गु धाइपिनिगु नितिं लजगा:या लंपु क्यनेथें नं जूगु दु ।

ब्वंकेगु नितिं १७२ प्रशिक्षण सहायकया नितिं सुचं पिका:गु खः । पाठ्यसफू तयार याय्गुनिसें छपाई याय्गु अले शिक्षक माग जूगुतक्क थ्यंगु अले सहायक प्रशिक्षकया माग तक थ्यंबलय् आ: नेपालभाषा विषयया अध्ययन व अध्यान याकनं हे न्हयाइगु जुल धइगु खंय् छुं शंका याय् थाय् मदय्धुंकल ।

येँ महानगर अन्तर्गत ९६ गू सामुदायिक स्कूल संचालन जुयाच्वंगु दु । व हे ९६ गू स्कूलय् नेपालभाषा ब्वंकेबीगु नितिं १७२ म्ह शिक्षक भर्ना यायेगु तयारी महानगरपाखें यानाच्वंगु दु । थ्व धइगु येँ महानगरपालिका दुनेया जक खं जुल, मुक्कं येँ जिल्लाया हे मखुनि । स्वनिगः दुने मुक्कं २१ स्थानीय

तह दु । येँ जक हे काठमाडौं महानगरनापं याना: ११ नगरपालिका दु । येँ छगू महानगर येँ महानगरपालिका हे जुलसा शंखरापुर, कामेश्वरी, गोकर्णेश्वर, बुढानीलकण्ठ, टोखा, तारकेश्वर, नागार्जुन, चन्द्रागिरी, दक्षिणकाली, कीर्तिपुर नगरपालिका दु । अथे हे यल जिल्लाया यल महानगरपालिका नापं मेगु निगू नगरपालिका व स्वंगू गाउँपालिका याना: याना: खूगू स्थानीय तह दु । यल जिल्ला दुनेया मेगु ५ स्थानीय तह धइगु गोदावरी नगरपालिका, महालक्ष्मी नगरपालिका जुल सा कोन्ज्योसोम गाउँपालिका, वागमती गाउँपालिका व महाइकाल गाउँपालिका जुल । अथे हे ख्वपय् ख्वप नगरपालिकाया नापं चाँगुनारायण नगरपालिका, मध्यपुर थिमि नगरपालिका, सूर्यविनायक नगरपालिका याना: थ्यंगू नगरपालिका दु ।

येँ जिल्ला दुनेया १८ स्थानीय तहया मंका: दबू कथं येँ महानगरपालिकाया प्रमुख विद्यासुन्दर शाक्यया कजिसुइ उपत्यका नगरपालिका फोरम नं गठन जुयाच्वंगु दु । स्वनिगःया स्थानीय भाषा धइगु नेपालभाषा हे खत । व ल्याखं थनया २१ स्थानीय तह दुने स्थानीय विषय अन्तर्गत नेपालभाषा शिक्षा हे न्हयाकेफत धा:सा थ्व नेपालभाषा शिक्षाया खंय् तःधंगु उपलब्धी जुइफु ।

ल्यं ७ पेजय्

लोकसाहित्य भवनया नितिं हलिं नेवा:या ग्वाहालि



वाङ्मय शताब्दि पुरुष डा. सत्यमोहन जोशीया छैय् निर्माण जुयाच्वंगु सत्यमोहन लोक साहित्य भवनया दय्केज्या अन्तिम चरणय् थ्यंगु दु ।

आ: निर्माण क्वचाय्केगुपाखेया ज्या जुयाच्वंगु उगु भवनया नितिं हलिं नेवा: दबू (वर्ल्ड नेवा: अर्गनाइजेशन) या कुतल संकलन जूगु थप आर्थिक ग्वाहालि छगू ज्याइवःया दथुइ लःलहा:गु दु ।

मुक्कं न्यागू लख व चयेप्यद्वः तकाया चेक लोक साहित्य परिषदया संरक्षक सत्यमोहन जोशीया उपस्थितिइ हलिं नेवा:

दबू नेपा: च्याप्टरपाखें लःलहागु खः । हलिं नेवा: दबूपाखें ब्यूगु चेक लोक साहित्य परिषदया दांभरिं वासुदेव श्रेष्ठ लःलहाना: कयादीगु खः ।

ज्याइवल्य् शताब्दी पुरुष जोशी निर्माण जुयाच्वंगु लोक साहित्य भवनपाखें नेपा:या सकतां कथंया लोक साहित्यया अध्ययन व अनुसन्धान याइपिनिगु नितिं ग्वाहालि जुइगु भलसा प्वकादिल । भवन निर्माणया नितिं दबूया केन्द्रिय नायः सिजन श्रेष्ठ क्यनादीगु नुगःया नं भाजु जोशी तारीफ यानादिल । परिषदपाखें तुलसीलाल सिंह

सुभाय् ब्युसें दबूया ग्वाहालियात प्रशंसा यानादिल ।

नेपा: च्याप्टरया नायः शाक्य सुरेन, दांभरिं सुरेन्द्रभक्त श्रेष्ठ, ल्यू दांभरिं सुदय शिलाकारया नापं नेपा: च्याप्टरया सचिवालय दुजःपिं रमेश मुनिकार व अन्जना ताम्राकार लिसंया उपस्थिति दुगु खः । च्याप्टर थ्व स्वयां न्हयः न १४ लख तका लःलहाय्धुंकूगु दु । ज्याइवल्य् समाजसेवी भाषासेवी विजय अवालेपाखें न्ययेद्वः तका नं आर्थिक ग्वाहालि यानादीगु खः ।

सरस्वती पूजाको विशेष छुट भर्ना अभियान

P.G. देखि ६ कक्षा सम्म

नयाँ भर्ना खुल्यो
(सिमित Seat को लागि मात्र)

यो अभियान फागुण ४ गते

बिहान ८:००-दिउँसो ३:०० सम्म
मात्र लागु हुनेछ ।

मौकाको फाइदा उठाउनु होला ।



ZENITH
ENGLISH MODEL SCHOOL

Bhurungkhel-18, KTM ☎ 01-4249164, 4215428

सम्पादकीय

जात्रापर्वया ई न्ह्यात,
गम्भीर जुया: जिम्मेवार
व्यवहार क्यने

हाकनं भीगु न्ह्यःने धमाधम जात्रापर्वत न्ह्यायत्यंगु दु । सकव्य माधवनारायण मेला न्ह्याना हे च्वंगु दु, थौं हे वसन्त पञ्चमी वा श्रीपंचमी हनेगु ज्या जुयाच्वंगु दु । थीथी सरस्वती द्यःया देगल्य तःधंगु ल्याख्य मनुत मुनेगु याइ । वयां लिपा सिलाचःहे वइ । पशुपतिइ द्रलंङ्गः ला छु, लखौं हे मनुत मुनी । फागु पुन्हि वइ, फागु मिहतीपिनिगु भीड जुइ । पाहोचःहे वलकि द्यःखः जात्रा अले खः ल्वाकीबलय असनय पलाः तय् थाय् दइमखु । वयां लिपा ला ततःधंगु रथ जात्रात हे न्ह्याइ । यैय् जनबहाःद्यःया रथ जात्रा, ख्वपय् बिस्काः जात्रा, यलय् बुंगद्यःया जात्रा अले हाकनं यैय् यैयाःया इवल्य कुमारीलिसें गनेद्यः व भैलःद्यःया रथ जात्रा, व नं स्वन्हु स्वन्हु । वंगु दच्छि दुनेया नखःचखः जात्रापर्व ला औपचारिकताय् सिमित जुयाः फुनावन । कोरोना महामारी यानाः छुं नं नखःचखः जात्रापर्व न्ह्यइपुक बांलाक न्याय्केमफुत । यलय् बुंगद्यःया जात्राया हे जात्रा जुयाबिल ।

थुगुसी नं छु जात्रा छु जुइ धइगु अन्योल हे अवस्था दनि । कोरोना संक्रमणया जोखिम थुगुसी नं मद्दुगु मखु । अथे धकाः थःगु तजिलजि दिकाः हे च्वनेगु अवस्था नं खने मदय्धुकल । छू ई संक्रमणया दर तसकं अप्वयावंगु खःसा आःया इलय् संक्रमण आपालं नियन्त्रणय् वय्धुकूगु दु । उकिया नापं बांलाःगु खँ धइगु, खोप वितरण नं न्ह्याय्धुकूगु दु । देय्या राजनीतिक अवस्था नं कोरोना संक्रमणया खँय् बांलाःगु पक्ष नं क्यनाब्युगु दु । निगु पक्षया सभा समारोह यानाः अप्वः स्वयां अप्वः मनुत मुंकाः क्यनेगु धैधै बल्लाः हे जुयाच्वंगु दु । छू पक्षं २ लाख मनु मुंकेगु धाइ, मेगु पक्षं ३ लाख मुंके धाइ । थथे हे धाधां गांगामं मनुत ल्ह्यायाः लँ हे बन्द जुइक मनुत मुंकाः भाषणबाजी नं यानाच्वंगु दु । थज्याःगु अवस्थाय् नं संक्रमणया दर कुहां हे वयाच्वंगु दु, थहांवंगु मद्दु । अथे धकाः आः भीसं ढुक जुयाः थःगु सामान्य जीवन हे न्ह्याकाछ्वय् जी ला ? थ्व छू न्ह्यसः दनाच्वंगु दु ।

मचा धैर्यता, भचा संयमताया आवश्यकता आः नं दनि । खोपया बारे थथे हे धकाः विश्व स्वास्थ्य संगठनं तकं अर्भ धाय् फुगु अवस्था म्दुनि । खोप काःसां सामाजिक दुरी, मास्क, स्यानिटाइजर, साब्वनं ल्हाः सिलेगु थुज्वःगु सुरक्षाया उपाय लीगु त्वःतेमज्यू नं धयातःगु दुसा खोप काःगु स्वला पुलेधुंकाः संक्रमितया सम्पर्कय् लात धाःसा आइसोलेसनय् च्वनेमाः नं धयातःगु दु । खोपया अध्ययन पूमवनीगु हुनि नं थथे धाःगु जुल । थज्याःगु अवस्थाय् भी थः हे भचा संयम व समेत जुइ आवश्यक जुइ । देय्या नेतृत्व तह गैर जिम्मेवार जूसां भी थः हे जिम्मेवार जुयाः न्ह्याःवनेमाः । आः गुलि नं नखःचखः व जात्रापर्व वइ, उकियात गुकथं सुरक्षित ढङ्गं न्ह्याकावनेगु धइगु तयारी आः हे दय्याः । हाकनं यलय् जात्राया अवस्था लिसा मकायेमा ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिक्रिपसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ

भोछेँ, यँ

lahana.news@gmail.com

न्हापांगु संविधान सभा निसें
भिंकेमाः प्रतिगमन !

संविधानत थःगु प्रदेशया नां छु तयगु धइगु अधिकार प्रदेशयात बियातःगु खः । तर विडम्बना नेकपां प्रदेशया नामय् तकं पार्टीया ह्विप जारी यानाः पार्टीया निर्देशन कथं प्रदेशया नां तयकेगु ज्या यात । थ्व नं छगू कथंया नेकपां याःगु प्रतिगमन खः ।



दिलिप शाही 'शांतिचञ्जु'

सरकारया विरुद्ध न्ह्ये धयाथे प्रदर्शन जुयाच्वंगु दु । सरकारं वंगु पुस ५ गते प्रतिनिधिसभा भंग याय्धुंकाः जुयाच्वंगु थ्व प्रदर्शनया रुप गथे जुइगु खः धकाः धाय्फइगु अवस्था म्दु । छखे सरकारया लिपांगु कदमविरुद्ध राजनीतिक पार्टीया लिसें नागरिक समाज आन्दोलित जुयाच्वंगु दुसा मेखे सर्वोच्च अदालतय् प्रधानमन्त्री ल्हवंगु पलाःयात कयाः मुद्दा नं न्ह्यानाच्वंगु दु । त्यादे तक सरकार न्ह्याकेगु निर्तिनेपाःमि जनतां ब्युगु म्यान्डेटयात हाकु तिनाः सरकारं प्रतिगमनया पलाः ल्हवनेव देय् छू कथं अन्योलय् लानाच्वंगु वर्तमान अवस्था खः ।

अथेला प्रतिगमनया शुरुवात आः जक जूगु मखु । गुबलय् न्हापांगु संविधानसभा भंग याय्गु ज्या जुल उगु इलिनसें प्रतिगमन शुरु जूगु खः । उगु इलय् तत्कालीन प्रधानमन्त्री डा. बाबुराम भट्टराई नं न्हापांगु संविधानसभा हे संविधान जारी याय्माः धकाः अडान काःगु खः । तर नेकपाया वर्तमान अध्यक्ष पुष्पकमल दाहाल तत्कालीन इलय् उकियात समर्थन मयाय्व अन्ततः डा. बाबुराम भट्टराई नं संविधानसभा भंग यानाः निक्वःगु चणया संविधानसभाया घोषणा याय्माःगु अवस्था ब्वलंगु खः । उगु इलय् शुरु जूगु प्रतिगमन हे थौं घनीभूत जूगु दु । अले उकिया दोष वर्तमान प्रधानमन्त्रीयात जक बियां मगाः । आःया अवस्थायात कयाः पुलांम्ह प्रधानमन्त्री पुष्पकमल दाहाल, माधव नेपालिं नं उलि हे दोषी खः । न्हापांगु संविधानसभा यदि भंग मज्जु खःसा देय्या राजनीतिक कोर्ष हे मेगु कथं न्ह्याइगु खः । विडम्बना धाय्माः राजनीतिक कोर्ष ला मेगु कथं हे न्ह्यात तर प्रतिगमन उन्सुख ।

न्हापांगु संविधानसभां १० प्लस एक राज्य संरचनाया परिकल्पना याःगु खः । देशय् दुगु थीथी जातीया थःगु बाहुल्यता दइ कथं राज्य पुर्नसंरचना याय्माः धकाः आदिवासी जनजाति, थारु, मधेशीपिसं माग याना वयाच्वंगु खः । तर न्हापांगु संविधानसभा भंग यानाः निक्वःगु संविधानसभाय् आदिवासी जनजातिया मुद्दा ल्हवनाच्वंगु पार्टी अल्पमतय् लाय्व आदिवासी जनजाति, थारु, मधेशी, दलित, अल्पसंख्यक व उत्पीडनय् लानाच्वीपं जनताया मुद्दा नं थांति लाय्गु क्रम शुरु जुल । आः वयाः प्रधानमन्त्री केपी शर्मा ओली प्रतिगमनया लँपुयात घनीभूत याय्व हाकनं आन्दोलनया आवश्यकता ताय्काः आः राजनीतिक पार्टीत आन्दोलनय् कुहां वल । तर न्ह्यसः अर्भ नं ब्वलनाच्वंगु दु कि प्रधानमन्त्री ल्हवंगु प्रतिगमनया पलाःया विरुद्ध जक आन्दोलन याय्गु खःकि न्हापांगु संविधानसभाय् थांति लानाच्वंगु मुद्दायात

नं सम्बोधन याय्गु खः । थ्व न्ह्यसःया लिसें आः आन्दोलनय् कुहां वयाच्वंगु राजनीतिक पार्टीतय्सं बीमाःगु आवश्यकता थौं जुयाच्वंगु दु ।

आःया संविधानयात आपालं जनतां थःगु संविधान ताय्के फयाच्वंगु म्दु । अथेजुगु मू कारण धइगु राज्य संविधान च्वय्गु इवल्य थःपिंत ध्वं लाःगुलिं खः धकाः आदिवासी जनजातिलिसें थारु मधेशी जनतां थौं तक नं तायेकाच्वंगु दनि । अले गुबलय् तक उमिगु मुद्दायात सम्बोधन याय्गु बचं आः आन्दोलनय् कुहां वयाच्वंगु राजनीतिक पार्टीतय्सं बीमखु उगु इलय् तक राज्यपाखे वन्चित जुयाच्वीपं जनतां आन्दोलनयात थःगु ताय्के फइमखु ।

कथं प्रदेशया नां तयकेगु ज्या यात । थ्व नं छू कथंया नेकपां याःगु प्रतिगमन खः । थ्व खँयात नेकपां मथुइकेगु खःसा जनतां हाकनं छाय् आन्दोलनय् कुहां वयेगु धइगु न्ह्यसः ब्वलनीगु स्वभाविक खः ।

नेकपायात धात्थे आः नं प्रतिगमन विरुद्धया आन्दोलनय् जनताया तिबः व साथ माःगु खःसा दकलय् न्हापां थःपिसं छिनागु गलत लँपुयात भिंकेगु कुतः याय्माः । उकिया निर्तिं आम रुपं न्हापा जूगु गलतयात कयाः सर्वसाधारण जनताया दथुइ माफी फवनेमाः । प्रतिगमनया पलाः भिंकेगु खःसा न्हापांगु संविधानसभानिसें शुरु जूगु प्रतिगमन नं भिंकेमाः । अले जक जनतां राज्य थःगु नं



आःया प्रतिगमनया दोष प्रधानमन्त्री ओलीयात जक बियाः थः लिचिलेगु ज्या आः नं नेकपाया नेतातय्सं यानाच्वंगु दनि । थौंया प्रतिगमनया दोष वर्तमान प्रधानमन्त्रीयात जक बियाः थःपिं लिचिलेगु ज्या उचित मखु । उकिया निर्तिं नेकपाया नेतापिसं सार्वजनिक रुपं सर्वसाधारण जनतायाके माफी फवनेमाःगु थौंया आवश्यकता खः । न्हापांगु संविधानसभा भंग याय्गु ज्याय् पुष्पकमल दाहाल व माधव नेपालं साथ मब्युगु खःसा थौंया प्रतिगमनया अवस्था मवइगु खः ।

आःया प्रतिगमनया दोष प्रधानमन्त्री ओलीयात जक बियाः थः लिचिलेगु ज्या आः नं नेकपाया नेतातय्सं यानाच्वंगु दनि । थौंया प्रतिगमनया दोष वर्तमान प्रधानमन्त्रीयात जक बियाः थःपिं लिचिलेगु ज्या उचित मखु । उकिया निर्तिं नेकपाया नेतापिसं सार्वजनिक रुपं सर्वसाधारण जनतायाके माफी फवनेमाःगु थौंया आवश्यकता खः । न्हापांगु संविधानसभा भंग याय्गु ज्याय् पुष्पकमल दाहाल व माधव नेपालं साथ मब्युगु खःसा थौंया प्रतिगमनया अवस्था मवइगु खः । तर उत्पीडित आदिवासी जनजाति, थारु, मधेशी व ल्यूने लानाच्वंगु वर्गयात अधिकार बीमाली धकाः न्हापांगु संविधानसभा भंग याय्व साथ ब्युपिसं आः नं उत्पीडित वर्गया हितय् राज्य सत्तायात पुर्नगठन याय्गु ज्या याइ कि मयाइ धइगु न्ह्यसः ब्वलनाच्वंगु दु ।

निक्वःगु संविधानसभा लिपा राजनीतिक पार्टीतय्सं न्हापांगु संविधानसभाया राज्य पुर्नसंरचना आयोगं प्रस्ताव याःगु १० प्लस १ यात हाकुतिनाः न्ह्यगु प्रदेशय् राजनीतिक सहमति कायम यात । अले उकिया नां तय्गु सवालय् नं थीथी कथंया राजनीतिक तिकडम यानाः अन्ततः जनताया चाहना व इच्छा अःखः प्रदेशया नामाकरण याय्गु ज्या नं नेकपां यात । संविधानत थःगु प्रदेशया नां छु तय्गु धइगु अधिकार प्रदेशयात बियातःगु खः । तर विडम्बना नेकपां प्रदेशया नामय् तकं पार्टीया ह्विप जारी यानाः पार्टीया निर्देशन

खः धकाः ताय्के फइ । थ्व राज्यया सार्वभौम जनता जिपिं खः धकाः गर्व यानाः धाय् फइ । मखु न्हापाया प्रतिगमन प्रतिगमन मखु आः प्रधानमन्त्री केपी शर्मा ओलीं छ्यूगु पलाः जक प्रतिगमन खः धकाः धाय्केगु खःसा आः हाकनं आदिवासी जनजातिया लिसें थारु मधेशी जनतायात हाकनं भंगः मलाइ धकाः गुकथं धाय्गु धइगु न्ह्यसः ब्वलनाच्वंगु दु ।

लोकतन्त्रय् फुकरिसिया समान अधिकार दय्याः । थ्व लोकतान्त्रिक मूल्य मान्यता खः । तर राजनीतिक पार्टीतय्सं नालाच्वंगु लोकतन्त्र असमान जूगु खँ पुलांम्ह प्रधानमन्त्री डा. बाबुराम भट्टराई धाय्गु यानाच्वंगु दु । गुबलय् तक जातीय क्षेत्रीय आधारय् राज्य पुर्नसंरचना जुइमखु उगु इलय् तक प्रधानमन्त्रीं छ्यूगु प्रतिगमनया पलाः भिंकेसां नं मेगु प्रतिगमन ल्यनाच्वनी । उकथं प्रतिगमन ल्यनाच्वनीगु खःसा सर्वसाधारण जनतां आःया प्रतिगमन विरुद्ध आन्दोलनय् छाय् कुहां वय्याःगु धइगु न्ह्यसः स्वभाविक रुपं ब्वलनी । उकिं दकलय् न्हापां आः प्रधानमन्त्री छ्यूगु प्रतिगमनया पलाः भिंकेगु खःसा न्हापाया संविधानसभा लिपा न्ह्याःवंगु प्रतिगमनया पलाः भिंकेगु बचं आः आन्दोलनय् कुहां वयाच्वंगु नेकपां बीमाः । छाय्धाःसा प्रतिगमनया उद्घमस्थल न्हापांगु संविधानसभा खः । अले उद्घमस्थल अथे धइगु मुहान सफा मजुइकं हितिइ सफा लः वइ धइगु ताय्केगु नं छू कथं मूर्खतापूर्ण ज्या खः ।

स्वस्थानीया बाखंपा:

सन्दर्भ न्ह्यागु हे थजु, थीथी स्रोतया बाखंत मुना: थःगु थाय्बायनाप उगु बाखलिसे स्वापू निर्माण याना: स्वस्थानया महत्व थःथःगु परिवार व समाजयात ध्वाथुइकेगु कुतःया रूप्य स्वस्थानी बाखंयात काल धा:सा थ्वयागु महत्व गुलि च्छायबहःजू धयागु स्पष्ट अनुभूति जुइ ।



ओम्धरानन्द राजोपाध्याय

स्वस्थानी बाखंया नां काय् व मचाबलय लुमनावङ्गु धयागु बाखंया प्रसाद वा बाखंपा: हे जुल । थः मचाबलय छँजः सकलें मुना: चिक्कु माघ महिनाय लुमुक्क सिलः दुने ग्वारामारा जुइक च्वना: नं मगाना: अभ्र मकलय च्या:गु मि पना: स्वस्थानीया बाखं न्यनेकने यायगु अले गुबलय बाखं सिधइ व बाखंपा: नयदइ धका: पियाच्वनेगु गुलि न्हयइपु धयागु आ: लुमन्तिया खँ जक जुइधुकल ।

उबलय बाखंपा: धका: नयगु वस्तुया विविधता हे गुलि ल्वःवनापुसे च्वं । भचा तःधीपिं धा:सा थः पासापिं मुना: हासापसः तया: मियातइगु स्वस्थानीया बाखंपा:कथं छ्यलीगु साखसला, लत्यापा, लत्याग्वारा, तिलःरि, गुलिमहिं जुइमा वा सियातगु बरां, मुस्या, चना, तवः कय्यू, बकुला: जुइमा, सुनां अप्वः नयफु धका: बाजी तया: त्या:म्हेसिया नक्व पाक्व अले बूम्हेसिया हासा छपातया दां पुलेगु धेधें बल्ला: जुइगु नं लुमं । जिपिं मचातयगु ज्या धा:सा बाजी त्याक्मूहेसिनं इनाबीगु भाग नयदइगु आसं बाजी तइपिन्त उस्कय या:वनेगु खः । थौंकन्हय बुरासू वयधुंका: व हे स्वस्थानी न्यनेकने यायबलय सम्भवतः औपचारिकताय जक सीमित जुयावंगु हुनिं याना: नत न्हापाया थें उत्साह दु, न उबलयया थें सामूहिकया भावं भयब्यूगु माहौल हे दु ।

परिवारय कान्छाम्हे जूसां आखः ब्वने सय्वं स्वस्थानीया बाखं थम्हं हे ब्वनेगु ता:लागुलिं जिं थःत भाग्यमानी ताय्का । थम्हं हे बाखं ब्वनेगु जुसेलिं तिन बाखंया प्रसाद धयागु नयगु वस्तु जक मखु खनी धका: बुलुहं ध्वाथुयावल । ल्हातं च्वयातःगु पुलांगु स्वस्थानी बाखंया सफू ब्वनागु जुया: जिं थम्हं स्वस्थानी बाखंया प्रसाद धका: ताय्कागु थीथी विषयत थथे जुल :

क) प्राचीन नेपालभाषाया खँवःत, वाक्य संरचना आदि थुइकेगु ह्वःता: चूलात : पुलांगु सफुतिइ छ्यलातःगु



नेपालभाषाय लिनिफुति अर्थात विसर्ग प्रयोग मज्जुलिं लुप्त आखःया मौलिक स्वरूप स्पष्ट खनेदु (उदाहरण - “थथे धका: धया:” आदि खँवःया पलेसा “थथे धकं धयाव”) । अथे हे थौंकन्हय सुयातं नापलाय्वं स्वागतार्थी रूपं प्रयोग जुयावंगु ज्वजलपाया मौलिक प्रयोग “निपा लाहातनं ज्वजलपाव विनती यात” धका: जुयाच्वंगु दु । थुकिं ज्वजलपे धयागुया अर्थ ज्वः (जोडी) जुइक नापं तय धयागु जक खः धका: स्पष्ट जू । थ्व खँवःलं नमस्ते, नमस्कार, विनती, स्वागत आदि गुगुं नं किसिमयागु अर्थ मब्यू । अभ्र थौंकन्हयु ला नेवातयसं नापं थ्व खँवःयात विरुप जुइक न्यनेबलय हे ल्वापुदापु खःला धयार्थे च्वकं ज्वज्वलप्या धका: च्वयगु याना हयधुकल ।

ख) छप्पा छधी जुइक च्वयातःगु लिखतयात खँवः छुटे याना: अर्थ लगय जुइक ब्वने सल :

संस्कृतय सन्धी याना: छप्पाछधी जुइक च्वयगु चलन दु थें हे प्राचीनकालया लिखतत दक्वं छधी हे जुइक च्वयगु चलन दु । पूर्णविराम धका: ध्वः तयगु चलन ला यक्व हे लिपा तिन वल । न्हापा फुति छफुति जक तइगु खः । थजा:गु लिखतय खँवः छुटे जुइक ब्वने मसल धा:सा अनर्थ नं जुइफु । नेपालमहात्म्याया अध्याय २७ य जलक्रीडा यानाच्वं बलय व्याकरण मसःम्हे जुजुं विदूषी महारानीं “मोदकं

देहि” धका: धा:गुया अर्थ लड्डू माल धका: थुइकगुलिं महारानी तंचा:गु बाखं दु । “माउदकं देहि” यात सन्धी यायबलय नं “मोदकं देहि” हे जुइ । अथेजुगुलिं परिस्थिति अनुसार खँवः छुटे याना: ब्वने सय्के मा:गु जुल । थथे हे पुलां सफुतिइ “अतितमनंवाकटटनं न्हययाव” धका: च्वयातःगुयात नं “अतित मनं वाक टट नं ..” धका: ब्वन धा:सा अर्थ छ्याय फइमखु । “अतितमनं वा कटटनं न्हययाव” धका: ब्वन धा:सा तिन धायत्यंगु खँ थुइ ।

ग) प्राचीनता व स्वस्थानी बाखंया विविधता थुइके दत -

आ: तक लूगु दक्वसिबे पुलांगु स्वस्थानी सफू सन् १५७३ यागु संस्कृत भाषायागु व सन् १६०३ यागु नेपालभाषायागु अले सन् १८१० यागु नेपाली भाषायागु धका: थीथी अभिलेखत दुगु खँ नेट्य मालेबलय लुयावः । मूल बाखनय थौंकन्हय प्रचलनय वयाच्वंगु महाद्यः, सतीदेवी, पार्वतीया बाखंत छुं नं मदु, थुपिं फुकक लिपा क्षेपण जुयावःगु क्षेपक जक खः धका: नं धायगु याः । मूल रूपय स्वस्थानी बाखं धयागु पद्मपुराणय दु धयातःगु बाखं जक खः धका: मानय यायगु खःसा थ्व तर्क स्वाभाविक नं जुइ । तर पद्मपुराणयागु स्रोत धका: क्यनातःगु १५४ श्लोक दुगु बाखनय “पद्मपुराणे पार्वतीसदाशिवसंवादे” जक धयातःगुलिं उगु पुराणया गुगु खण्डय व बाखं दु धयागु स्पष्ट मजू । थ्व बाखं अनुसार

कैलाशय उमामहेश्वर संवाद जुयाच्वं बलय पार्वतीं महाद्यःयाके छु व्रत यात धा:सा याकनं सुख प्राप्त जुइ धका: न्यंबलय स्वस्थानीया व्रत यायगु धका: विधिनापं महाद्यवं कना: लिपा उकीया बाखं छु दु धका: हाकनं पार्वतीं न्हयसः तसेलिं तिन गोमा ब्राह्मणीयागु बाखं कंगु क्यनातल । यदि इहिपा:लिपा कैलाशय नापं च्वने धुंका: संवाद ज्वलय तिन पार्वतीयात स्वस्थानी व्रतया विधि कंगु खःसा ला महाद्यः पति लायमा धका: पार्वतीं मचाबलय हे स्वस्थानी व्रत च्वन धयागु खँ हे मिथ्या जुइगु जुल । अथे हे स्कन्दपुराणयागु केदार खण्डया माघमहात्म्यय स्वस्थानीया बाखं गन दु धयागु नं गनं स्पष्ट मजू तर थौंकन्हय छापया हरेक स्वस्थानी सफूतिइ थ्व हे स्रोत क्यना: बाखंया अध्याय क्वचाय कातःगु खनेदु ।

घ) स्वस्थानी बाखंया थःगु है मौलिक नियम नं दु धयागु थुइके दत -

स्वस्थानीयागु पुलां सफुतिइ अध्याय धयागु मदु । दिपा: च्वने ज्युगु थासय जवंखवं ध्वः निध्वः निध्वः साला: भतीचा खाली थाय त्वःतातइ (॥ ॥) । अथेजुया: न्हापान्हापा स्कन्दपुराणयागु सन्दर्भ कया: थुलि अध्याय धका: धयाच्वनेम्वा: । तर पीठयागु विवरण वयाच्वं बलय धा:सा दथुइ दिकेमदु । पीठया दथुइ खालिगु थाय दुसां अल्पविराम जक यायदु, ल्यंगु पीठया बाखं कन्हय ब्वने धायमदु । गुलिस्यां छँय

वस्थानी बाखं बहनी न्यनेकने यायगु खः, सुथय द्यः पूजा याय बलय ब्वनेगु मखु । थुकियागु सांस्कृतिक पक्ष छु खः ले धा:सा स्वस्थानीया महत्व ब्वनीम्हे छम्हेस्यां जक थुइकेवं मगा: । फुसा त्वा:बहा: सकलें, मफुसा स्या:न्या:पिं पासाभाइ व छँजः जक जूसां मुना: थःगु स्थानया महत्वयागु प्रचारप्रसार यायगु थुकिया उद्देश्य खः ।

सतीदेवी यज्ञय क्वब्वाय धुकल कि महाद्यवं वना: थका: मवंकं बाखं दिकेमज्यू धयागु चलन नं दु धा:गु न्यना ।

अथे हे भूगु चलनय स्वस्थानी बाखं बहनी न्यनेकने यायगु खः, सुथय द्यः पूजा यायबलय ब्वनेगु मखु । थुकियागु सांस्कृतिक पक्ष छु खः ले धा:सा स्वस्थानीया महत्व ब्वनीम्हे छम्हेस्यां जक थुइकेवं मगा: । फुसा त्वा:बहा: सकलें, मफुसा स्या:न्या:पिं पासाभाइ व छँजः जक जूसां मुना: थःगु स्थानया महत्वयागु प्रचारप्रसार यायगु थुकिया उद्देश्य खः । अथे जूगुलिं अप्वः मनु मुनेगु पाय्छिगु ई धयागु बहनी सकसियां ब्यलि सिधयका: द्यने न्हयवः फुसंदयागु ई हे खः । चिकुलाया ई, नयागु याकनं पचय जुइधुंकी - याकनं ब्यलि यानावःपिन्त बाखं सिधयवं इनाबीगु बाखंपा: नं भतिचा पित्या: ल्वःमंके नं दत, सकलें छथाय मुना: सामाजिक सद्भाव व सम्बन्ध नवीकरण नं जुइगु जुल ।

सन्दर्भ न्ह्यागु हे थजु, थीथी स्रोतया बाखंत मुना: थःगु थाय्बायनाप उगु बाखलिसे स्वापू निर्माण याना: स्वस्थानया महत्व थःथःगु परिवार व समाजयात ध्वाथुइकेगु कुतःया रूप्य स्वस्थानी बाखंयात काल धा:सा थ्वयागु महत्व गुलि च्छायबहःजू धयागु स्पष्ट अनुभूति जुइ । भौतिक स्थान जक मखु, थःगु तजिलजि, सामाजिक हैसियत आदि नं स्वस्थान हे खः । अज्या:गु स्वस्थान त्वःतावनीम्हे वा सम्मान यायमफुम्हे वा मसःम्हे मनुखं दु:ख मसिसें मगा: धयागु स्पष्ट सन्देश नं स्वस्थानी बाखं बियाच्वंगु दु । बाखंया खँवः मखु, बाखनय अन्तर्निहित निष्ठा व नैतिकताया सन्देशयात गुलि स्पष्ट थुइकेफइ, बाखंपा:या सवा: नं उलि हे माकुइगु ताया ।

स्वस्थ पत्रकारिताको विकास स्वतन्त्र र हक

अधिकारको जगेर्ना, राष्ट्रिय सर्वमान्य प्रचलन र

मान्यतालाई समायोजन गर्दै अगाडि बढ्नु आजको

अपरिहार्य आवश्यकता हो ।




नेपाल सरकार


सञ्चार तथा सूचना प्रविधि मन्त्रालय

सूचना तथा प्रसारण विभाग

विषय : सन्देशा मुनिका

सन्देशा
LATAWA WEEKLY





माधव नारायण

लवःमन ला

चिनाखें



अवजना ताम्राकार

पियाचवना छत लुमकाः मवः छ, जि लवःमन ला ताल्लां वय धाःगु छं ला सिचूगु फय् जवनाः

तान्वःसा हुइकः वय धाःगु चःति धाः छं मतिनाया रूमाल जवनाः मवःगुलिं छ पीरं नुगः च्याकाः चवना दुःख पुखुलिइ दुनाः ताल्ला फुनाः वल चिकुला वय धाःगु छं चिकुलां कवाःगु मतिनाया जः जवनाः आसं चवना छंगु कवाःगु स्पर्श लुमकाः थरथर खात नुगःचु खवाउंया छंगु कवाःगु मतिना जलं मखयाः दुःखया च्वापुं ल्हाःमह थें जुल जि ला खवाबि धाः कुहांवल तिकिर्तिकि ननां बरू छुं नं महःसां छं जवनाः लित बीत छकः जक जूसां वा छं यकूगु जिगु नुगःकुचा नापलाय् बचं सा तयुत वा पियाचवना छत लुमका मवः छ आःतकं जि लवःमन लाः?

अजू चायापुसेचवंगु लवय्

चिबाखें



पूर्ण मुर्नकर्जी

छें या रक्षा यायूत लहय्मह न्हयइपुसेचवमह तुयूह खिचायात वयकलं ब्वहलय् पाछानादिल । गज्याःमह ले वयकः ? खिचायात नं ब्वहलय् पाछाय् धैगु दुला ? खिचायात खिचाया थासय् जक तयमाः मखुला छि ? व खिचा, ब्वहलं छ्यनय वन, छ्यनय थ्यनेवं माकः जुयाः सि स्वयाबिल । उकिं वयकः तसकं लयूताः । अजू चायापु से चवंगु खं लहानादिल बाः छि ! खिचा नं माकः जुइला ? खः; अजू चायमाःगु; तर सत्य खं । व खिचा बहुरूपिया खः; माकः, भालु आदि जुइफु, शान्तिया म्ये हाहां हिंस्रक पशु जुइफु । व खिचा प्याखं लहुइ सः; चटक क्यने सः; मिखा, बुद्धियात ध्वं लाय् सः, मनुयात ज्यः यायू सः । चटके ताहाः, माकः, भालु प्याखं लहुइकू थें लाकि छु ले ? पायूछि; व चटके धाःधाःथें फुकं यायू सः; याना वयाचवंगु दु; व

थः हे चटके खः । पत्याः यायू मछिंगु खं कनादिल बाः छि । पत्याः जुयादिसैं - वयकःयात ग्यानापुगु लवचं कःगु दु; तर वयकलं थ्व खं मचाः । हाई, छु लवयू ले व ? तिफ्याय् मफइगु लवयू, चटके छु धाल व हे जक खनीगु, व बाहेक मेगु छु मखनीगु, मसीगु, मथुइगु, मसइगु, चटके गथे धाल व हे जक याइगु, यायूमालीगु मोहनि लवयू । ओहो सा, अज्याःगु नं लवयू दुगु जुयाचवन । अज्याःगु लवयू दुपिं सुनां नं थःके लवयू जूगु चाइमखु । ध्वाथुइक कन धाःसा चाइला ? उपचार यायूबलय् लवयू लंके फइजुइनि । ध्वाथुइकेत स्वःमहेसित वंयू चाः खिचां थें न्यायू यः, रेबिजया इन्जेक्शन कायूमाली, छु यायूगु ? याकनं अस्पताल भर्ना यानाः वासः यायूमाल का, नु गन दु थें वयकः ? वयकःया तसकं लिमलाः, नयू त्वने मधाःसैं लिमलाःफमलाः ब्वाँय ब्वाँय जुयाचवंगु दु । अपायूचव, छु ज्या ले वय कःया ? चटकेया ध्वाँयू ज्वनेगु, नायूखिं च्वयकेगु, धुकू जायेकेगु, उकिया विरोध याःपिन्त माकलं थें स्यंकेगु, वंयूचाः खिचा, ताहाः, बापाहा आदि जुयाः न्यायूगु ।

अहो !

बाखें



माणिक उरायू

‘सिलला छि’, नापं चवमह हकनाराच वंयू जुया मेन्तल अस्तालय् यंकल हं । राजमान बेलि यायूत वंयू लानातःगु सुकुलिइ छु फेतुल, वया तिदि ज्ञानथकु खं न्हयथन । पलख ला राजमान वाताहां जुल । वइगु म्हुतुं छु हे पिहां मवल । न्हयपुइ हकनाराया खवाः जक लुया वइचवन । ज्ञानथकु हाकनं थःगु खं स्वाकल ‘थुलि जुइ धकाः ला जिं न्हापा हे स्यू बिचरा हकनारां । गुलि जक सह यानाचवन का । मांअबु मदयू धुकाः नं गुलि यात वं छेंया निति । आखिरयू स्व, थथे जुइत हे मखा जुइ व म्वानाचवंगु । ज्ञानथकुया म्हुतुं मदिकक खंया खुसिबाः वःगु वल, तर राजमानया न्हायपनयू छु हे दुहां वंसा खः । वया मिखायू हकनाराचिया जिन्दगीया बाखं धकिं बुलुहुं चालावल । हकनारां, धात्थेया नां हर्षनारायण । वया छेयू मांअबु, व अले तता छमहे केहें छमहे । मुककं न्यामहेसिया परिवार । मचाबलेयूनिसें आखः ब्वने फु । उकिं व सकसिया मिखाया नगु । खास तःमिपिं ला मखु । अयूसां नयत हे मगाःपिं नं मखु । हकनाराया अबु प्रेमनारायण, अर्भक यइपुकक धायूगु खःसा पेनांचा । छगू सरकारी अफिसयू कार्यसहायकया जागीर । याकचिया तलब उबले न्यामहेसिया नयत यकवं गाः । अले मांमह सरस्वति । नां गथे ज्या नं अथे हे । ल्हातयू हे सीप दुमह । यायूमसः धैगु छु हे म्हुतुं । छेयू चवनाः थाज्या यानाः भचा भचा आमदानी नं याः । उकिं छेंया खर्च मगाःमचाः मजू । हकनारां व राजमान निमहं नापं एस.एल.सि. पास जूपिं । हकनाराया तता लक्ष्मी धाःसा बांलाक आखः ब्वने मपुः । इलयूबलयू महं मफयाचवनीमह लक्ष्मी न्यागू तगिं तक जक ब्वनाः त्वःतल । छेयू मांयात ग्वहालियाइ । किजा हकनारां व चीधिकःमह केहें कबितायात सुसाःकुसाः यानाः ब्वलकेत मांबवाया तिबः जुयाबिल ।

हकनारां कलेज ब्वनाचवंगु इलयू वया मांअबु छगू तःधंगु एक्सिडेन्तयू लानाः मन्त । हकनाराया कर्मयू मलः जूवल । छगू धुकाः मेगु हाथ्यां जीवनयू त्वःतूगु हे मखु । मांअबुया लत्या सिधयू काः हकनारां थः अबुं कनातःमह हाकिम रबिनलाल सरया थायू छकः दुस्वःवन । रबिन सर छेयू हे दी खनीइ । हकनारांयात खनेवं थःहे भाःपाः ‘वा वा हकनारां, पलख चवें निह’ धका दुहां भाल । हकनारां अन हे इवाताहां दनाचवन । न्हापा हे पेनांचां हकनारांयात ‘स्व बाबु, गन छु कथंया आपतबिपत वल धाःसा छ तप्यंक जिमि हाकिम सरया थायू वनाः खं ल्हाः हुं । तसकं हे नुगः तफाःमह खः वय कः । छुं न छुं ग्वहालि अवश्य यानादी’ धकाः धयातःगु खः । थः अबुया व हे खं लुमंकु लुमंकु हकनारां रबिन सर थायू वःमह । पलख लिपा रबिन सर व वय कःया तिदि निमहं दुहांवल । हकनारां नं हाकनं निमहसित ज्वजलपा यात । निमह त्यपुलिं ज्वजलपाया लिसः ब्युब्यू ‘छायू आमकन दनाचवनागु वा, थन फ्यतु’ धकाः न्हयःनेसं चवंगु मेच क्यन । हकनारां मछाः मछाः कयकुनाः मेचयू फ्यतुल । ‘छायू वया हकनारां थन, जिं छु यायूमालला ?’ रबिन सरं न्यन । ‘खः सर’ थुलि हे जक खंयः पिहांवल हकनाराया म्हुतुं । ‘का छुयायू माल ले ?’ रबिन सरं हाकनं न्यन । ‘बाः मदयूधुकाः आः छेयू जिपिं स्वमह तःकेहें जक । सुयां हे लजगाः म्हुतुं । दुगु फुगु भचाभचा धेबा नं ब्यबहार यानाः फुत । तता छमहे न्हयाबलें मफयूकाः चवनीमह । केहें नकतिनि भिगू तगिमयू ब्वनाचवन । जि नं आइए सेकेण्ड यर ब्वनाचवना । जितः छगू ज्या दुसा छेयू भचा भलसा दइला धकाः छिथायू धाः वयागु सर’ हकनारां नं छगु हे सासलं कन । हकनारांया खं न्यना रबिन सरं धाल ‘जिं स्यू छिमिगु छेंया अबस्था । छिमि बाः प्रेमनारायणयात जिं बांलाकक महस्यू । उकिं जिं छु अवश्य यायू । स्व हकनारां, आः थत्थें ला जिं छु धायूमफुनि । बरू छु छवाः लिपा छगु सर्तिफिकेतत ज्वनाः जिगु अफिसयू वाले निह । अबले तक्क छुं जुइला । धन्दा कायूमवाः । बरू आःयात खर्च माःसा भचा धेबा ज्वना हुं ।’ थःतिरियात ‘मैया, हुं भचा दां कयाहचिसा’ मैया म्यादम दनावन । पलख लिपा म्यादम वल । रबिन सरं द्वाःछि द्वाःछि वंगु न्यापाः बिल । हकनारांया ल्हाः थरथर खाः धेबा

फयाकाःमहेसिया । मिखां वं मचायूक हे खवाबि सरर बाःवल । वं छु हे धायू मफुत । लंकाग्वलं मिखाया खवाबि हुल । ‘का म्वाःल खवयाचवने । धन्दा कायूमवाः, जि द हे दुनि । बरू छु माःसा जितः धा ।’ हकनारांया ब्वहलयू छकः उसिउसि यात । ‘आःहुं, छवाः लिपा जिगु अफिसयू वा निह ।’ हकनारां अनं लिहां वइ । भिं नुगः दुमह रबिन सरया कुतलं हकनारांया ज्या दत । मेहनति हकनारां, अबुमह थें हे । ज्याकुथिइ सकसियां यः । हकनारांया कुतलं छेंया लकस भचा बांलाना वल । हकनारां राजमानया तसकं मिले जूह पासा जूगुलिं वं राजमानयात थःगु छेंया फुकक धैथें खं कनेगु याःनातःगुलिं हे जक थ्व खं । राजमान त्वलयू जुयाचवंगु खनाः ज्ञानथकु हाकनं न्वात ‘छु जुल छितः ? बेलि खवाउंसे च्वनेधुंकल । छु त्वलट् जुयादिया । आः छिं छुं याये फइगु मखु थें । वया कर्म हे अज्याःगु का ।’ थौं सुथयू हे जक राजमान व हकनारां अफिस वनेत नापं रत्नपार्क तक्क वंगु । अबले तक ला छुं हे मजूमह तर आः वयाः थ्व खं न्यनाः राजमान पत्याः मजूगु खः । ‘मखु ज्ञानु, छु जूगु ले हकनारांचित ?’ राजमानया मन मच्चवं । ‘छु जुइले आः ? न्हाचः न्हिनयू अफिस वनाः लिहांवःमह हकनारां थःगु दराज ह्वातां चाःगु खनाः आते जुल । भचाभचा यानाः थः केहें बियाछ वयत धकाः मुंकातःगु धेबा व तिसा ज्वलंत छुं हे म्हुतुं म्हुतुं । उसांयू मदयाः ग्वःतुलाचवमह ततायाके न्यना स्वलं ‘न्हाचः केहेंचा छकः दुहांवःगु ख । आमकन कोथायू नं वंगु ला खना धाल थें ।’ तताया खं न्यनाः हकनारां नं थः केहेंया कोथायू स्वःवन । तेबुल धाःने छकू पौ वयागु हे नामयू च्वयातःगु खन । ‘जि यःमह दाइ, जितः क्षमा यानादिसैं । जिं थः यज्जुनापं जीवन हनेगु ताःतुना । अले आमकन दराजयू जिगु ब्याहाया नितिं धकाः दयूकातःगु तिसा व धेबा जिं ज्वनावना । खयू तला जिं बांलागु याना ला मयाना जिं मस्यू । तर आःया परिस्थितिइ जिं थ्वहे छगू जक लैपु बाहेक मेगु मखन । छायू धाःसा जि जिमि यज्जुया मचाया मां जुइन । स्वला फुनाः प्यला क्यन । थ्व हे खं यानाः जिं दाइयात थःगु खवाः क्यनेगु साहस यायूमफुत । अले जिं थ्व दुस्साहस याना । ज्यूसा जितः ल्वःमकादिसैं । छं केहें आमि ।’



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

- (क) व्यापारी त्यासा
- (ख) हायरपचेज त्यासा
- (ग) आवासीय त्यासा



- (घ) शेयर त्यासा
- (ङ) मुद्दती रसिद धितो त्यासा
- (च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैं, पाको, न्हूसतक, यैं, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

यैय् न्ह्यात लःया एटीएम 'जरूहिति'



लँजुवाःतय् प्याःचाः लंकेत धासें यैया थीथी थासय् त्वनेगु लःया एटीएम मेसीन 'जरूहिति' न्ह्याकूगु दु। खानेपानी मन्त्री माणिचन्द्र थापा वंगु बिहिबाः ल्हुतिया लिसें रत्नपार्क शंखधर उद्यान व स्वयम्भुइ वाटर एटीएम मेसीनया उलेज्या यानादिल। न्हापां रत्नपार्क परिसरय् शंखधर उद्यानया प्रवेशद्वार अले स्वयम्भुइ वाटर एटीएम मेसीनया उलेज्या यानाः मन्त्री थापां ल्हुतिया बाइसधारा उद्यानया प्रवेशद्वारय् नं मेसीनया उलेज्या यानादीगु खः। ल्हुतइ वाटर एटीएम मेसीनया उलेज्या धुंकाः सञ्चारकःमितलसे खँ ल्हासें मन्त्री

थापां यै महानगरपालिकालिसेया सहकार्यय् न्हापांगु खुसी 'वाटर भेन्डिङमेसिन'या उलेज्या यायेखनाः थः तसकं लय्ताःगु धयादिल। 'न्हापांगु चरणय् स्विनिगःया १५ थासय् थुगु मेसीन न्ह्याकेगु तयारी दु', मन्त्री थापां धयादिल, 'बुलुहुँ देय्न्कया सहरय् थ्व व्यवस्था लागु यायेगु जुइ।' बालाजुइ वाटर एटीएमया उलेज्याया इवलय् मन्त्री थापालिसें दीम्ह सहरि विकास राज्यमन्त्री रामवीर मानन्धरं थःगु निर्वाचन क्षेत्रय् दुगु ऐतिहासिक, सांस्कृतिक, धार्मिक व मनोरञ्जनया दृष्टि महत्वपूर्ण थाय् बालाजु

उद्यानया प्रवेशद्वारय् आधुनिक प्रविधिया वाटर एटीएम उलेज्या जूगुलिं थः तसकं लय्ताःगु धयादिल। थुकिं लँजुवाःतय् प्याःचालिक १ लिटरया भिनरट वाटर हे न्याय्माःगु अवस्था क्वचाःगु वय्कःया बिचाः खः। 'मेलन्चीया लः हयेगु लिपांगु तयारी जुयाच्वंगु इलय् थज्याःगु प्रविधिया सुरुवात तसकं लसताया खँ खः', मन्त्री मानन्धरं धयादिल, 'छगू लिटर हे लः न्यानाः त्वनेमाःगु बाध्यतायात थुगु प्रविधि क्वचायेकाब्यूगु दु।' खानेपानी सचिव माधव बेल्बासें याकन हे राजधानीया १५ थासय् थ्व लागु यायेगु धयादिल। यै महानगरपालिका व काठमाडौं उपत्यका खानेपानी व्यवस्थापन बोर्डया सहकार्यय् न्हापांगु चरणय् प्याथाय् वाटर एटीएमया सुरुवात यानागु व थप ११ थासय् नं याकन हे शुरुवातया तयारी जुयाच्वंगु बेल्बासेया धापू खः। यै महानगरपालिका सहरि योजना आयोगया उपाध्यक्ष सरोज बस्नेतं याकन हे न्हु बानेश्वर व शंखधर पार्कय् नं वाटर एटीएम न्ह्याकेगु तयारी जुयाच्वंगु जानकारी बियादिल। गुगुं इलय् परम्परागत रुपं स्विनिगःया थीथी थासय् दुगु जरूहितिइ लँजुवाःतयसं प्याःचाः लंकेगु याइगु इतिहासलिसे स्वानाः महानगरपालिकां वाटर एटीएमयात नं जरूहिति नां बियागु धाःगु दु।

शताब्दी पुरुष थःगु अङ्गदान यानादिल



वाङ्कमय शताब्दी पुरुष डाक्टर सत्यमोहन जोशी थःगु दक्क अङ्गदानया घोषणा यानादीगु दु। नइ प्रकाशनं याःगु छगू ज्याइवल्य् वाङ्कमय शताब्दी पुरुष जोशी व वय्कःया तिरि राधादेवी जोशीं मरणोपरान्त थःगु म्हा दान यायेगु घोषणा यानादीगु खः। ज्याइवल्य् जोशी त्यपुं चिकित्सा विज्ञानया प्रयोगात्मक अध्ययनया निर्मित थःगु म्हा दान यायेगु घोषणा यानादीगु खः। जोशी त्यपुं जीवन धुंकाः थःगु भौतिक म्हा किष्ट मेडिकल कलेजयात वीगु घोषणा यानादीगु खः। ज्याइवल्य् किष्ट मेडिकल कलेजयात

म्हा बिइगु मन्जुरी पतिइ जोशी त्यपुया नापं वय्कःपिनि काय् अनुजराज जोशीं तकं ल्हाःचिं तयादिल। उगु इलय् थःगु दीर्घजीवन व थःगु उर्जाया खँय् अनुसन्धान यायेफःसा चिकित्सा विज्ञान अध्ययनया निर्मित ग्वहालि जुइफइगु जोशीं धयादिल। यल महानगरपालिकाया मेयर चिरिबाबु महर्जनं वाङ्कमय शताब्दी पुरुषया सतवार्षिकी हनेदुगु भाग्यया खँ जूगु धयादिल। नइ प्रकाशनया नकि इन्दिरा प्रसाईं दीर्घ जीवन चूलाःम्हा जोशीया जोश व जाँगरया खँय् अनुसन्धान यायेमाःगु धयादिल।

किपू नगरपालिकाय् ज्येष्ठ नागरिकपिन्त कम्बल इन

किपू नगरपालिका १० वडाया ग्वसालय् ज्येष्ठ नागरिकपिन्त कम्बल इगु दु। किपूया इछै त्वालय् १० वडा दुनेया ७० दै च्वय्यापिं ज्येष्ठ नागरिकपिन्त कम्बल इनेगु ज्या जूगु खः। ज्याइवल्य् किपू नगरपालिकाया मेयर रमेश महर्जन, उपमेयर सरस्वती खड्का रिजाल, किपू नगरपालिका १, २ व १० वडाया वडाध्यक्षपिंलिसें किपू नगरपालिकाया स्वास्थ्य सरसफाई विभाग प्रमुख हर्ष महर्जन, किपू नगरपालिकाया पर्यटन सम्पदा विभाग प्रमुख रमेशमान डंगोलया उपस्थिति दुगु खः। अथे हे किपू नगरपालिकां आर्वील ढल निकास डिजाइनया योजनात सफ्टवेयरमार्फत याइगु जूगु दु। थ्व सम्बन्धि डिजाइनया सफ्टवेयर दयेकाः सफ्टवेयर निर्माता एनएसआर कन्सल्टं कीर्तिपुर नगरपालिकाया प्राविधिकपिन्त तालिम ब्यूगु दु। ४ न्हु जगु तालिमया समापन ज्याइवल्य् शुक्रबाः किपू नगरपालिकाया प्रमुख रमेश महर्जनं तालिमय् च्वपिं प्राविधिकतय् दसिपौ लःल्हानादिल।

नेपालभाषा...

नेपालभाषा विषयया निर्मित १७२ सहायक प्रशिक्षक माग याःगु यै महानगरपालिकाया हे प्रमुख कर्ज जुयाच्वंगु उपत्यका नगरपालिका फोरमपाखें हे फोरम अन्तर्गतया स्थानीय तह अन्तर्गतया स्कूलय् नं स्थानीय विषय न्ह्याकेगु निर्नि पहल यायेमाःगु खनेदु। यै महानगरपालिका छथाय् १७२ शिक्षकया माग आः जुयाच्वंगु दुसा १८ हे स्थानीय तह दुने दक्क स्कूलय् स्थानीय विषय संचालन याय्फत धाःसा द्वःछिं मल्याक्क नेपालभाषा विषयया शिक्षकतय् लजगाः चूलाइगु जुल। नेपालभाषा विषय ब्वनावःपिनिगु निर्मित थ्व छगू तःधंगु हे हवःताः कथं काय् फइ। थुकिं लजगाःया हवःताः बिचाकथं ब्वनीपिं नं अचइगु निश्चित हे जुल। न्हुगु पुस्ताय् भाय् तनावनाच्वंगु समस्या,

नेपालभाषा विषय कयाः उच्च शिक्षा कयावःपिनिगु निर्मित लजगाःया समस्या, ब्वने न्ह्याःपिनिगु निर्मित गन ब्वनेगु धइगु समस्या लिसेया समस्यात आः ज्यनीगु आशा याय् थाय् लुयावःगु दु। मातृभाषा शिक्षाया माग नेवाःतय्सं यानावःगु तःदै हे दय्धुकल। थःगु मांभासं ब्वनेमखंगुया स्याःचाः भूनी जनकवि दुर्गालाल श्रेष्ठं थःगु च्वसाया माध्यम गुलि प्चकल गुलि। थःगु भासं ब्वनेदय् माल, थःगु भाय् छ्यले दय्माल धकाः नेवाःत आन्दोलित जुजुं छुं उपलब्धी ल्हातय् लातला धइथें जुलकि गलबें सर्वोच्च अदालतपाखें सा गबलें राज्यया थीथी निकायपाखें व उपलब्धीयात लाकाकाय्गु ज्या नं विगतय् जुयावन। वंगु दिनय् मातृभाषा शिक्षाया छ्यलय् ला समुदाय स्तरं जगतसुन्दर ब्वनेकुथि

न्ह्याकेगु अथवा शिक्षा अभियन्ता दिपक तुलाधरया व्यक्तिगत कुतल नेवाः बस्ती नेवाः स्कूल अभियान न्ह्याकाः थीथी स्कूलय् नेपालभाषा विषय नं ब्वकेबीगु ज्या ला जुल तर राज्यस्तरपाखें नेवाःत न्ह्याबलें आशां हे दानाच्वंगु खः। आः जनतां त्यःपिं जनप्रतिनिधिया स्थानीय सरकार वय्धुंकाः धाःसा यै महानगरपालिका दुने मातृभाषा शिक्षाया खँय् तःधंगु हे जः खनेदयावःगु दु। नेपालभाषा विषयया पाठ्यक्रम तयार यानाः यै महानगरपालिकां थुकिया पठनपाठन न्ह्याकेगु निर्मित आः शिक्षकया माग याःगु दु। नेपालभाषा ब्वनीपिनिगु निर्मित थ्व तःधंगु लसताया खँ जुल सा शिक्षकया माग जूगुलिसें नेपालभाषा ब्वनाः छु यायेगु धाईपिनिगु निर्मित लजगाःया लँपु क्यनेथें नं जूगु दु।

वरिष्ठ सिने पत्रकार असंबरे लगायतया सिनेकःमिपिं काँग्रेसय् दुहांवन



वरिष्ठ सिने पत्रकार विजयरत्न असंबरे लगायत नेपाली सकिपाया नांजाःपिं निगू दर्जनं मयाक्क सकिपाकःमिपिं नेपाली काँग्रेसय् दुहांवंगु दु। नेपाली काँग्रेसया सूचना व सञ्चार प्रसार विभागअन्तर्गत टेलिभिजन उपसमितिया संयोजकत्वय् विशिष्ट सकिपाकःमि नीर शाहया कुतलय् सकिपाकःमिपिं उगु पार्टीइ दुहांवंगु खः। काँग्रेस सभापति शेरबहादुर देउवा निवास भुइजःसिइ जूगु पार्टी प्रवेश ज्याइवल्य् चलचित्र पत्रकारिताया न्ह्यलुवा व वीर गणेशमान सकिपाया निर्देशक तर्क खःम्हा विजयरत्न असंबरे, नेपाःया दकले न्हापांम्हा मेकअप आर्टिस्ट सन्तु तामाङ, द्वन्द निर्देशनय् न्ह्यलुवा एनबी महर्जन, नेपाल चलचित्र निर्देशक समाजया अध्यक्ष रक्षासिंह राणा, नेपाल चलचित्र संघया उप-महासचिव एवं फिल्म वितरक गोपालकाजी कायस्थ, निर्माण नियन्त्रक मिलन सुवेदी, सकिपा च्वमि अभिनय निरबी, चलचित्र पत्रकार संघ नेपालया उपाध्यक्ष दीपज्योति थापा, निर्माता व कलाकार प्रभाकर श्रेष्ठ, निर्माता व कलाकार सुनिल श्रेष्ठ, निर्देशक राजु अर्याल, कलाकार रिशता अधिकारी

व सबिन श्रेष्ठ, कलाकार दिनेश श्रेष्ठ लिसंयात सभापति देउवां स्वांमाः क्वखाय् काः पार्टी सदस्यता काई बिचाः पार्टी प्रवेश याकादिल। सभापति देउवां देश निर्माणया ज्याय् कलाकारया योगदान महत्वपूर्ण जुइगु धयादिल। ज्याइवल्य् पूर्व सह-महामन्त्री डा. प्रकाशशरण महतया नं उपस्थिति दुगु खःसा वरिष्ठ सकिपाकःमि नीर शाहं नेपालया प्रजातान्त्रिक इतिहासय् नेपाली काँग्रेसं तःधंगु भूमिका म्हित्तु बिचाः तसें न्हापांगु नेपाली सकिपा सत्य हरिश्चन्द्रया निर्देशक डि.बि. परियारं उगु इलय् नेपाली काँग्रेसया उप महामन्त्रीया रुपय् प्रजातान्त्रिक संघर्षय् न्ह्याचिलेगु ज्या यानादीगु खँ लुमकादिल। सकिपाकःमि पार्टी प्रवेश ज्याइवःया ग्वसाः चलचित्र निर्देशक समाजया महासचिव व टेलिभिजन उपसमितिया सदस्य सचिव जनकदीप पराजुली अले उपसमितिया दुजःपिं कलाकार सुशान्त श्रेष्ठ, चलचित्र विकास बोर्डया पुलांम्हा नायः राजकुमार राई व नेपाल प्राविधिक संघया नायः पुष्कर लामां ग्वयादीगु खः।

पत्रकार महर्जनयात पितृशोक

पत्रकारिता छयलय् तसकं सक्रियम्हा नेवाः पत्रकार उपेश महर्जनया अबु बुद्धवीर महर्जन वंगु बिहिबाः मन्त। मस्तिष्कघात जुयाः स्टार हस्पिटलय् वासः याकाच्वनादीम्हा वय्कः वासः यायेगु इवल्य् व हे अस्पतालय् मदुगु खः। ७९ दै दुम्हा वय्कःयात बुधबाःकुन्हु मस्तिष्कघात जुइवं वासः याकेत कीर्तिपुर अस्पताल यंकूगु खःसा अनं लिपा स्टार अस्पताल यंकाः शल्यक्रिया तर्क याःगु खः। शल्यक्रिया धुंकाः नं वय्कःया उसाँय् भिनावयेमफयाच्वंगु अवस्थाय् वासः यायां हे बिहिबाः वय्कः मदुगु खः। मदुम्हा महर्जनया अन्त्येष्टि शनिबाः चोभार सुन्दरीघाट सुलक्षण कीर्ति बिहारय् याःगु खः।



बृहत स्वास्थ्य शिविरपाखें स्थानीय लाभान्वित



यल महानगरपालिका-१६ वडा अरनिको समाजलिसे जाना: न्ह्याकावःगु निःशुल्क स्वास्थ्य शिविरया इवलव्य वंगु शनिबाः यलया बालिफलव्य मचा, छ्यंगू व मिखा लव्य सम्बन्धि शिविर क्वचाःगु दु। शिविरपाखें ११४ म्हेसिनं थःगु स्वास्थ्य परिक्षण याकूगु समाजया महासचिव डा. सुशील प्रजापति कनादीगु दु। उपिं मध्ये ८ मस्त दुगु खः। ४४ म्हेसिनं मिखा व ६० म्हेसिनं छ्यंगू लव्यया परिक्षण याकूगु नं प्रजापति कनादिल।

स्वास्थ्य सेवाय सकसिगु पहुँच अःपुक दयकगु व आर्थिकस्तर कमजोपिंथाय तक्क स्वास्थ्य सेवा थ्यकेगु आजुं अभियानया हे रुपं शिविरया गवसाः गवयागु वडाअध्यक्ष निर्मलरत्न शाक्यं धयादिल। वडाअध्यक्ष शाक्यया कथं शिविरपाखें १६ वडालिसें जःखःया वडाया मनुत तक्क लाभान्वित जुयाच्चंगु दु। परीक्षण याकूपिंमध्ये आपाः धइथें कोरोना संक्रमणया जोखिमया हुनिं अस्पताल वनेमर्खापिं वा मर्वापिं

५० दै पुलेधुकूपिं मनुत दुगु खः। शिविरय वासः नं सितिकं इंगु खः। यल महानगरपालिका १६ वडा वंगु माघ १७ गतेनिसें शनिबाः पतिकं निशुल्क स्वास्थ्य शिविर यानावःगु दु।

शिविरया इवलव्य वङ्गु शनिबाः नागबहालव्य मिसा लव्य सम्बन्धी, फागुण १५ गते दौबहालव्य प्वाः अले कलेजो सम्बन्धी, फागुण २२ गते मंगलबारय ज्येष्ठ नागरिकतय लागिं नशा, युरोलोजी, मधुमेह व जनरल सम्बन्धी शिविर जुइ।

किपू नगरपालिकाय न्यायिक इजलास स्थापना



किपू नगरपालिकाय न्यायिक इजलास व मेलमिलाप केन्द्रया स्थापना जुगु दु। संविधानय दुगु ब्यवस्था कथं स्थानीय तगिमय न्यायिक इजलास स्थापना यायेगु अधिकार कथं किपू नगरपालिकाय नं इजलास व केन्द्र स्थापना यानागु नगरपालिकां न्ह्यथंगु दु।

किपू नगरपालिकाया उपमेयरया संयोजकत्वय न्यायिक इजलास गठन जुयाः कार्य सम्पादन याना वयाच्चंगु खःसा आः उगु कक्ष स्थापना याय्वं थप

प्रभावकारी जुइगु विश्वास काःगु दु। नगरवासीपनिगु छुं कथंया मुद्दा मामिला नगरपालिकाय दर्ता जुलाक उमिगु उजुरियात दकलव्य न्हापां मेलमिलाप केन्द्रं स्वयंगु याइ।

केन्द्र उकिया समाधान माले मफुतिक स्थानीय तहपाखें हे निकास बीगु ल्याखं न्यायिक इजलासय यंकीगु खः। स्थानीयस्तरय स्थापना जूगु थज्याःगु केन्द्र व इजलासं चिचीधंगु ल्वापु, मुद्दा मामिलायात स्थानीय तहपाखें हे ज्यकेगु व च्वय

या अदालत तक वनेम्वाःलेमा धइगु ल्याखं स्वयंगु याइ। अदालत सरह हे मान्यता दुगु न्यायिक इजलासया संयोजकय नगरपालिकाया उपप्रमुख व कार्यपालिकाया निर्णयकथं निम्ह दुजः दइ।

मुद्दाया पक्ष व विपक्ष निखेरं बहस यायधुंकाः उपप्रमुखया इजलासं फैसला न्यकेगु ज्या जुइ। यदि न्यायिक इजलासं याःगु फैसला थःपित चित्त बुभ्के मज्जां अर्नालपा जिल्ला, उच्च, पुनरावेदन, सर्वोच्च नं वने फइ।



नेपाःया नुगःचु न्हूसतकय नेपाःया हे दक्कले न्हापांगु सम्पदा मैत्री व्यापारिक कम्प्लेक्स महर्जन कम्प्लेक्स याकनं हे चालेत्यंगु दु।

Maharjan Business Associates Pvt. Ltd.
Shukrapath, New Road, Kathmandu, Nepal

"आरोग्य परमा माथा"

यल महानगरपालिका-१६ वडा ज्याकूबि व अरनिको समाजया मंकाः इनाप

बृहत निशुल्क स्वास्थ्य शिविर

क्र.सं.	परीक्षण याइज्गु लव्य	मिति	काय
१	नशा, हाड जोडी	माघ १७ गते शनिवाः	मंगलबजार
२	नुनः लव्य सम्बन्धी	माघ २४ गते शनिवाः	बुबाः
३	मिखा लव्य, छ्यंगू लव्य, मिखा सम्बन्धी	फागुण १ गते शनिवाः	बालिफल अर्नाक इल
४	मिसा लव्य सम्बन्धी	फागुण ८ गते शनिवाः	जानबहाः
५	प्वाः नुनः स्वै सम्बन्धी	फागुण १५ गते शनिवाः	दौबहाः
६	नशा, पिसाब सम्बन्धी, माज्जुह व जेनरल (ज्याधःपिं नागरिकतय लागिं)	फागुण २२ गते शनिवाः	मंगलबजार

उपरोक्त शिविर उपरोक्त स्थानमा सुरु हुनेछ, उपरोक्त मितिमा नभएको स्थानमा भने परिवर्तन गर्न सकिनेछ। शिविरका लागि नभएको स्थानमा २० उपस्थित हुनु पर्छ।

काँडाः शिविर सुरु हुनु थिय कुवन् ट नाः इलमिसे १५ नाः इलमिसे सम्म। १६ वडा स्वास्थ्य कार्यालयमा शिविर, भीमल व मल्लः। उपरोक्त शिविरपाः सुब ५ नाः इलमिसे १२ नाः इलमिसे सम्म।

उपरोक्त परीक्षण याइज्गु लव्य टिकिटसकाति

१. नशा लव्य (ग्लुकोस टोलेरन्स टेस्ट) को सुटिक, २. नशा लव्य (ग्लुकोस टोलेरन्स टेस्ट) को सुटिक, ३. नशा लव्य (ग्लुकोस टोलेरन्स टेस्ट) को सुटिक, ४. नशा लव्य (ग्लुकोस टोलेरन्स टेस्ट) को सुटिक, ५. नशा लव्य (ग्लुकोस टोलेरन्स टेस्ट) को सुटिक, ६. नशा लव्य (ग्लुकोस टोलेरन्स टेस्ट) को सुटिक, ७. नशा लव्य (ग्लुकोस टोलेरन्स टेस्ट) को सुटिक, ८. नशा लव्य (ग्लुकोस टोलेरन्स टेस्ट) को सुटिक, ९. नशा लव्य (ग्लुकोस टोलेरन्स टेस्ट) को सुटिक, १०. नशा लव्य (ग्लुकोस टोलेरन्स टेस्ट) को सुटिक।

नोटः मिखा लव्य सम्बन्धी जाइज्गु लव्य ४५ ई नव्या जाइज्गु लव्य Papsmeat विधिं जाइज्गु लव्य।

जस्ताः सलः
यल महानगरपालिका-१६ वडाया ज्याकूबि
अरनिको समाज

दीन, दुखी व असहायपिन्त निःशुल्क स्वास्थ्य सेवा प्रदान।
दानी, सुखी व सम्पन्नयात सशुल्क स्वास्थ्य सेवा वरदान।।

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंगा सेवा

शल्यक्रिया

- मोतिबिन्दु
- जनरल सर्जरी
- न्हायपं, न्हाय, गापः
- हाड जोडी नशा
- पिसाव नलीया पत्थर बिना चिरफार

बहिरङ्ग सेवा

- मुटु लव्य
- प्वाःया लव्य
- युरोलोजी
- मिसा लव्य
- मचा लव्य
- वाया लव्य
- मिसा लव्य

अन्य सेवा

- जेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला

२४ घन्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail:cfclinic@mail.com.np, www.free-clinic.org.np